


☒ Re: Ósk um umsögn, aðalskipulag Flóahrepps 2017-2019 - íbúðasvæði - 2110027 -

Búið til	22.12.2021 11:10:23
Höfundur	Snorri Sigurðsson
Sent	22.12.2021 11:10:22
Tilheyrir	 202112-0014 - Aðalskipulag Flóahrepps 2017-2019 - íbúðasvæði - ósk um umsögn

Efni

Re: Ósk um umsögn, aðalskipulag Flóahrepps 2017-2019 - íbúðasvæði - 2110027 -

Upplýsingar

Vinnsla

Sent	22.12.2021 11:10:22	Staða	Imported
Eigandi		Tímamörk	
Skjalalykill	42-0 Umsagnir almennt		
Lykilorð			

Þátttakendur

Frá	Snorri Sigurðsson - NI (Snorri.Sigurdsson@ni.is)
Til	stella@utu.is

Innihald

Góðan daginn,

Eftirfarandi er umsögn Náttúrufræðistofnunar Íslands:

Tilvísun í mál nr. 202112-0014 (SS).

Vísað er til tölvupósts frá skipulagsfulltrúa Uppsveita bs., dags 7. desember 2021, þar sem óskað er eftir umsögn Náttúrufræðistofnunar Íslands um lýsingu vegna skipulags- og matslýsingar fyrir breytingu á aðalskipulagi Flóahrepps 2017-2029. Breytingin felst í skilmálum um ný íbúðarsvæði í landi Arnarstaðakots og Skálmholts.

Náttúrufræðistofnun hefur kynnt sér lýsinguna og telur, með hliðsjón af hlutverki stofnunarinnar, að í henni komi að mestu fram það sem þarf að fjalla um er varðar skipulagsbreytinguna og umhverfisáhrif hennar.

Náttúrufræðistofnun telur mikilvægt að hugað sé vandlega að skipulagi nýrra íbúðarsvæða af þeim toga sem hér er stefnt að á svæði sem í dag er að mestu dreifbýli með landbúnaðarsvæðum í bland við ósnortin náttúrusvæði. Huga þarf að áhrifum slíkra breytinga á náttúrufar svæðisins. Þar veða hvað þyngst búsvæði fugla annars vegar og verndun votlendis hins vegar.

Eins og fram kemur í greinargerð skipulagslýsingarinnar hefur Náttúrufræðistofnun skilgreint Suðurlandsundirlendið allt sem mikilvægt fuglasvæði (Suðurlandsundirlendi | Náttúrufræðistofnun Íslands (ni.is) (<http://www.ni.is/node/16184>). Á svæðinu öllu er mikið fuglalíf m.a. afar þétt varp ýmissa vaðfugla eins og spóa, jaðrakans, stelks og tjalds. Eins er mikið fuglalíf við ár og vötn og svæðið alþjóðlega mikilvægur viðkomustaður fartegunda eins og álftar og gæsategunda. Frekar fá svæði á Suðurlandsundirlendinu eru friðlýst eða undir annars konar verndun og mikið hefur verið gengið á búsvæði fugla t.d. með framræslu votlendis, vegagerð, efnistöku, skógrækt og með því að skipuleggja land undir frístundabyggð eða íbúðarsvæði. Rannsóknir hafa sýnt að hvers kyns mannvirki hafa fælandi áhrif á margar fuglategundir, einkum vaðfuglategundir sem verpa á opnum svæðum. Slík áhrif koma fram í lægri þéttleika varpfugla næst mannvirkjunum og getur áhrifanna gætt í nokkur hundruð metra fjarlægð. Því er búsvæðatav fugla sem fylgir svona framkvæmdum umtalsvert meira en augljóst er í fyrstu. Hætta er á að búsvæðum mikilvægra fuglastofna sem sumar eru ábyrgðartegundir fyrir Ísland, fækki mjög ef skipulag landsvæða á Suðurlandsundirlendinu tekur ekki mið af þörfum þeirra.

Náttúrufræðistofnun telur því mikilvægt að sveitarfélög sem eiga víðáttumikil dreifbýlislandsvæði á Suðurlandsundirlendinu taki tillit til þessa með því að skipuleggja ekki of mörg eða of dreifð íbúðarsvæði. Betra er að hafa færri og þéttbyggðari svæði og skilja eftir opin svæði sem geta hentað sem búsvæði fyrir vaðfugla, og þá sérstaklega lítt röskuð mó-, gras- og votlendi.

Votlendissvæðum hefur sömuleiðis fækkað mikið á Suðurlandsundirlendinu undanfarna öld vegna framræsingar fyrir landbúnað og aðra landnotkun. Votlendi eru afar verðmæt vistkerfi, þau eru mikilvæg búsvæði fugla og annarra lífvera, binda kolefni og gegna mikilvægu hlutverki við náttúrulega miðlun vatns. Þá ber Ísland alþjóðlega ábyrgð á verndun tiltekinna votlendisvistgerða með hátt verndargildi, sem sumar eru á lista Bernarsamningsins yfir vistgerðir sem ber að vernda eins og kemur fram í greinargerð skipulagslýsingarinnar. Mjög mikilvægt er að mati Náttúrufræðistofnunar að hlúa að þeim votlendissvæðum sem óröskuð eru á Suðurlandsundirlendinu og stefna að endurheimt raskaðra svæða eins og unnt er.

Í ljósi þessa telur Náttúrufræðistofnun að sú stefnubreyting í Flóahreppi sem hér er tilkynnt og felur í sér heimild á uppbyggingu nýrra íbúðarsvæða í dreifbýli geti haft neikvæðar afleiðingar í för með sér fyrir náttúru svæðisins ef ekki er varlega farið. Sveitarfélagið er jafnframt hvatt til þess að innleiða í sín skipulagsáform markmið um að styrkja stöðu votlendissvæða og annarra búsvæða fugla t.d. með því að tilgreina svæði sem ætluð eru verndar- eða endurheimtaraðgerðum. Þetta er sérstaklega áriðandi ef uppbygging nýrra íbúðarsvæða leiðir af sér ótæpilega röskun vistgerða og búsvæða fugla og þörf er á mótvægisáðgerðum.

Varðandi svæðin tvö sem hér eru til umfjöllunar telur Náttúrufræðistofnun að óheppilegt sé að lítt röskuðu votlendi sé fórnað undir gisna íbúðabyggð eins og stefnt er að í landi Arnarstaðakots. Eins og fram kemur í greinargerðinni er um að ræða 6 ha votlendi sem nýtur sérstakrar verndar skv. 61. gr. laga. nr. 60/2013 um náttúruvernd. Þar finnast allmargar votlendisvistgerðir, sumar með mjög hátt verndargildi. Horfa ætti til þess að finna annað svæði undir þessa byggð.

Í landi Skálmholts er einkum um mó- og graslendisvistgerðir að ræða, en þær hafa sumar hátt verndargildi. Votlendisvistgerðir er einnig að finna innan svæðisins sem er mjög stórt eða 64 ha. Náttúrufræðistofnun telur að nauðsynlegt sé að mæla þéttleika vaðfugla og annarra varpfugla á svæðinu til að hægt sé að meta áhrif skipulagsáformanna á fuglalíf svæðisins.

Náttúrufræðistofnun áskilur sér rétt að frekari athugasemdum á síðari stigum.

Virðingarfyllst,

Snorri Sigurðsson

Sviðsstjóri náttúruverndarsviðs / Head of Division, Nature Protection

.....
Náttúrufræðistofnun Íslands / Icelandic Institute of Natural History
Urriðaholtsstræti 6-8, 220 Garðabær.
Sími/Tel: (354) 5 900 500. www.ni.is (<http://www.ni.is/>)



NÁTTÚRUFRAÐISTOFNUN ÍSLANDS

From: "Stella Rúnarsdóttir" <stella@utu.is>
To: "Skipulagsstofnun - SLS" <skipulag@skipulag.is>; "ust@ust.is" <ust@ust.is>;
"axel.benediktsson@umhverfisstofnun.is" <axel.benediktsson@umhverfisstofnun.is>;
"kristinn@minjastofnun.is" <kristinn@minjastofnun.is>; "Erna Bára Hreinsdóttir - VG"
<erna.b.hreinsdottir@vegagerdin.is>; "Rannveig María Jóhannesdóttir - VG"
<rannveig.m.johannesdottir@vegagerdin.is>; "Móttaka - NI" <Mottaka@ni.is>
CC:
Subject: Ósk um umsögn, aðalskipulag Flóahrepps 2017-2019 - íbúðasvæði - 2110027 -
Date: 7.12.2021 10:04:13

Sæl verið þið

Óskum eftir umsögn ykkar á meðfylgjandi lýsingu aðalskipulagsbreytingar íbúðasvæðis í Flóahrepp og snýr breytingin að skilmálum aðalskipulagsins.

Lýsingin er í kynningu til 24. desember n.k.

Bestu kveðjur,

Stella Rúnarsdóttir

Ritari skipulagsfulltrúa

Skipulags- og byggingafulltrúi Uppsveita bs.

Dalbraut 12, Laugarvatni

Sími: 480 5550

Netfang: stella@utu.is (<mailto:stella@utu.is>)

Vefsíða: www.utu.is (<http://www.sbf.is/>)

Viðhengi

image001.png (5 KB)